



95  
439

Bosnia and Herzegovina  
Federation of Bosnia and Herzegovina

**CANTON SARAJEVO**  
Government

Broj: 02-04-6961-1.1/26  
Sarajevo, 05.03.2026. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka) Vlada Kantona Sarajevo, na **118. sjednici održanoj 05.03.2026. godine**, donijela je

## ZAKLJUČAK

1. Prihvata se Izjašnjenje Ministarstva za odgoj i obrazovanje Kantona Sarajevo, broj: 11-04/03-34-57021-4-1/26 od 04.02.2026. godine na zastupničku inicijativu zastupnika Faruka Selmanovića, dostavljenu dopisom Kolegija Skupštine Kantona Sarajevo broj: 01-04-37-47/25 od 26.12.2025. godine, kao izjašnjenje Vlade Kantona Sarajevo.
2. Izjašnjenje iz tačke 1. ovog zaključka dostavlja se Službi za skupštinske poslove Skupštine Kantona Sarajevo, na daljnje postupanje.
3. Ovaj zaključak stupa na snagu danom donošenja



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstvo za odgoj i obrazovanje Kantona Sarajevo,
5. Služba za skupštinske poslove Skupštine Kantona Sarajevo,
6. Evidencija,
7. Arhiva.





16  
124

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry for Education

Broj: 11-04/03-34-57021-4-1/26  
Sarajevo: 04.02.2026. godine

**STRUČNA SLUŽBA VLADE KANTONA SARAJEVO**  
**n/r Ćiber Amila, Sekretar Vlade**

**PREDMET:** Izjašnjenje Ministarstva za odgoj i obrazovanje Kantona Sarajevo na zastupničku inicijativu zastupnika u Skupštini Kantona Sarajevo Faruka Selmanovića, *dostavlja se*

U vezi sa podnesenom inicijativom zastupnika u Skupštini Kantona Sarajevo Faruka Selmanovića, Kolegij Skupštine Kantona Sarajevo je Vladi Kantona Sarajevo dostavio predmetnu inicijativu, akt broj: 01-04-37-47/25 od 26.12.2025. godine kojim se Vlada Kantona Sarajevo poziva da se očituje po zastupničkoj inicijativi.

Stručna služba Vlade Kantona Sarajevo je aktom broj: 16-04-37-47/25 od 16.10.2026. godine od Ministarstva za odgoj i obrazovanje Kantona Sarajevo zatražila pripremu prijedloga izjašnjenja Vlade Kantona Sarajevo u odnosu na predmetnu zastupničku inicijativu.

Postupajući po aktu Stručne službe Vlade Kantona Sarajevo broj: 16-04-37-47/25 od 16.10.2026. godine, Ministarstvo za odgoj i obrazovanje Kantona Sarajevo je razmotrilo predmetnu zastupničku inicijativu u svjetlu odredbi Evropske konvencije o ljudskim pravima i osnovnim slobodama (u nastavku teksta: Konvencija), Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj: 27/24) (u nastavku teksta: Zakon) i Zakona o slobodi vjere i pravnom položaju crkava i vjerskih zajednica u Bosni i Hercegovini („Službeni glasnik BiH“, broj 5/04).

S tim u vezi, ističemo sljedeće:

- Član 9. stav (1) Konvencije propisuje da svako ima pravo na slobodu misli, savjesti i vjeroispovjesti što uključuje slobodu promjene vjere ili uvjerenja i slobodu čovjeka da, bilo sam ili zajedno sa drugima javno ili privatno ispoljava vjeru ili uvjerenje molitvom, propovijedi, običajima i obredom.
- Stav (2) istog člana Konvencije propisuje da sloboda ispovijedanja vjere ili ubijedenja može biti podvrgnuta samo onim ograničenjima koja su propisana zakonom i neophodna u demokratskom društvu u interesu javne bezbjednosti, radi zaštite javnog reda, zdravlja ili morala, ili radi zaštite prava i sloboda drugih.
- Član 3. stav (1) tačka a) Zakona kao jedan od ciljeva odgoja i obrazovanja u školi propisuje da se treba osigurati svim učenicima jednako pravo i mogućnosti na odgoj i obrazovanje bez obzira na spol, rasu, nacionalnost, socijalno i kulturno porijeklo, invaliditet, ekonomski status, vjeroispovijest i sposobnosti.

- Član 4. stav (1) Zakona propisuje da je u školama zabranjena svaka vrsta diskriminacije.
- Član 8. st. (1) i (2) Zakona propisuje da će škola unaprjeđivati i štititi vjerske slobode, toleranciju i kulturu dijaloga, kao i da škola ne može preduzimati bilo kakve mjere i aktivnosti kojima bi se ograničavala sloboda izražavanja sopstvenih i upoznavanja drugih i drugačijih vjerskih uvjerenja.
- Član 27. stav (1) Zakona propisuje da je Kurikulum skladno uređen sistem planiranja, izvedbe, vrednovanja i reguliranja odgojno-obrazovnog rada u užem i širem smislu kao dio preduniverzitetske obrazovne reforme. Stav (2) istog člana Zakona propisuje da u užem smislu Kurikuluma, odgojno-obrazovni rad ostvaruje se na osnovu nastavnog plana i programa/predmetnog kurikuluma zasnovanog na ishodima učenja, koji će dovesti do jačanja učeničkih znanja, vještina i kompetencija. Stav (3) istog člana Zakona propisuje da se u širem smislu Kurikuluma, odgojno-obrazovni rad ostvaruje na osnovu šireg dokumenta kojim se koncipira odgojno-obrazovni rad, koji će dovesti do postizanja optimalnog i cjelovitog razvoja učenika.
- Član 47. stav (2) Zakona propisuje da nastavni čas u školi traje 45 minuta, a u centrima 40 minuta. Stav (8) istog člana Zakona propisuje da u toku sedmice učenici IV, V i VI razreda osnovne škole mogu imati najviše 25 časova nastave, s tim da u toku dana ne mogu imati više od pet časova redovne nastave. Stav (9) istog člana Zakona propisuje da u toku sedmice učenici VII, VIII i IX razreda mogu imati najviše 30 časova nastave, s tim da u toku dana ne mogu imati više od šest časova redovne nastave. Stav (11) istog člana Zakona propisuje da u toku sedmice učenici srednje škole mogu imati najviše 35 časova nastave, s tim da u toku dana ne mogu imati više od sedam časova redovne nastave.
- Član 108. stav (4) tačka a) Zakona propisuje da školski odbor razmatra prijedloge odluka, preporuke i prijedloge koje se upute školskom odboru i preduzima odgovarajuće mjere.
- Član 109. stav (1) Zakona propisuje da je direktor škole organ rukovođenja u školi.
- Član 111. stav (1) Zakona propisuje da je direktor škole odgovoran za zakonitost rada i stručni rad škole. Stav (3) tačka g) istog člana Zakona propisuje da direktor škole utvrđuje raspored časova.
- Član 115. stav (3) tačka b) Zakona propisuje da Nastavničko vijeće donosi odluke o organizaciji odgojno-obrazovnog rada. Stav (3) tačka i) istog člana Zakona propisuje da Nastavničko vijeće odlučuje o zahtjevima učenika.
- Član 2. stav (1) Zakona o slobodi vjere i pravnom položaju crkava i vjerskih zajednica u Bosni i Hercegovini koji propisuje da diskriminacija, zasnovana na vjeri ili uvjerenju, označava svako isključivanje, ograničavanje, davanje prednosti, izostavljanje ili svako drugo razlikovanje koje je zasnovano na religiji ili uvjerenju, a koje ima cilj ili se njime može postići - direktno ili indirektno, namjerno ili nenamjerno - ukidanje ili umanjivanje priznanja, jednakog uživanja i ostvarivanja ljudskih prava i osnovnih sloboda u građanskim, političkim, ekonomskim, socijalnim i kulturnim stvarima.
- Član 3. stav (2) Zakona o slobodi vjere i pravnom položaju crkava i vjerskih zajednica u Bosni i Hercegovini propisuje da svi ostali zakoni i propisi u ovom području moraju biti usklađeni s odredbama ovoga zakona.

Iz navedenih odredbi članova 4. i 8. Zakona, proizilazi da je isti usklađen sa članom 2. stav (1) i članom 3. stav (2) Zakona o slobodi vjere i pravnom položaju crkava i vjerskih zajednica u Bosni i Hercegovini.

Slijedom navedenog, Ministarstvo za odgoj i obrazovanje Kantona Sarajevo cijeni da nema pravni osnov za davanje smjernica odgojno-obrazovnim ustanovama iz svoje nadležnosti za postupanje u slučaju zahtjeva učenika za ostvarivanje prava na ispovijedanje vjere i uvjerenja kroz obavljanje

vjerskog obreda džuma namaza, niti je to praktički moguće, uzimajući u obzir različite prostorne kapacitete, brojno stanje učenika u različitim školama, planiranje nastavnih aktivnosti, aspekt sigurnosti učenika u vrijeme odgojno-obrazovnog rada i odmora i sl.

Dalje, ističemo da je Ministarstvo za odgoj i obrazovanje Kantona Sarajevo u proteklom periodu odgovaralo na upite roditelja učenika, kojim se traži pojašnjenje mogućnosti odsustva učenika sa nastave radi prisustva vjerskim obredima, odnosno džuma namazu, kao i upite kojim se traži da se za učenike osnovnih i srednjih škola u Kantonu Sarajevo, odlazak petkom na džuma namaz u trajanju od 30 do 45 minuta, uvrsti u opravdano odsustvo sa nastave.

Iako Ministarstvo za odgoj i obrazovanje Kantona Sarajevo nema saznanja da je u bilo kojoj školi onemogućeno učenicima odlazak na džuma namaz, informišemo Vas da ćemo sa sadržajem predmetne inicijative zastupnika Faruka Selmanovića upoznati Islamsku zajednicu u Bosni i Hercegovini, s ciljem sagledavanja mogućih i prihvatljivih modela rješavanja ovog pitanja u kontekstu redovnog odvijanja nastavnog procesa, kao i pronalaženja rješenja u situacijama kada učenici zbog objektivnih školskih obaveza nisu u mogućnosti prisustvovati džuma namazu, a sve kako bi se pitanje ostvarivanja prava učenika na ispovijedanje vjere i uvjerenja kroz obavljanje vjerskog obreda džuma namaza riješilo na odgovoran i pravno utemeljen način.

S poštovanjem,

MINISTARICA  
  
**Naida Hota-Muminović**

Dostaviti:

1. Naslov,
2. Evidencija,
3. a/a

